

## ՀԱՇՎԵՏՎՈՒԹՅՈՒՆ

2019թ.-ի դեկտեմբերի 18-20-ը Ռուսաստանի Դաշնություն (Սանկտ Պետերբուրգ)  
գործուղման արդյունքների վերաբերյալ

### 1. Անունը, ազգանունը.

Սմբատ Սախյան

### 2. Զբաղեցրած պաշտոնը.

ՀՀ աշխատանքի և սոցիալական հարցերի նախարարի տեղակալ

### 3. Գործուղման վայրը և ժամկետները.

Սանկտ Պետերբուրգ (Ռուսաստանի Դաշնություն), 2019 թվականի դեկտեմբերի 18-20-ը

### 4. Հրավիրող կողմը.

Եվրասիական տնտեսական հանձնաժողով

### 5. Գործուղման նպատակը

1) Կենսաթոշակային ապահովության ոլորտի ներկայացուցիչների կողմից «Եվրասիական տնտեսական միության անդամ պետությունների աշխատավորների կենսաթոշակային ապահովության մասին» համաձայնագրի նախաստորագրում (19 փետրվարի).

2) մասնակցություն Եվրասիական տնտեսական բարձրագույն խորհրդի նիստին (20 փետրվարի):

### 6. Քննարկված թեմաները.

«Եվրասիական տնտեսական միության անդամ պետությունների աշխատավորների կենսաթոշակային ապահովության մասին» համաձայնագրի նախագիծ:

### 7. Հանդիպումները, ելույթները, բարձրացված կամ քննարկված հարցերը.

Եվրասիական տնտեսական հանձնաժողովի աշխատանքային միգրացիայի և սոցիալական պաշտպանության վարչության պետ Պ. Ու. Սույումբաևան ներկայացրեց Համաձայնագրի նախագծում կատարված փոփոխությունները և Համաձայնագրի նախագծի վերջնական տարբերակը:

Նշվեց, որ առաջարկվող փոփոխություններն առաջարկվել են ՌԴ նախագահի աշխատակազմի խմբագիրների կողմից և բացառապես խմբագրական բնույթի են՝ պայմանավորված ռուսաց լեզվի քերականական կանոններով:

Կողմերը հաստատեցին և վավերացրեցին (նախաստորագրեցին) «Եվրասիական տնտեսական միության անդամ պետությունների աշխատավորների կենսաթոշակային ապահովության մասին» համաձայնագրի նախագծի վերջնական տարբերակը:

Համաձայնագրի նախագիծը ներկայացվեց Եվրասիական տնտեսական բարձրագույն խորհրդի նիստի հաստատմանը:

Միաժամանակ, կարևորվեց հնարավորին սեղմ ժամկետներում համաձայնագրի վավերացումը անդամ պետությունների կողմից:


**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Ա.թ. դեկտեմբերի 20-ի նիստում Եվրասիական տնտեսական բարձրագույն խորհուրդը հավանության արժանացրեց «Եվրասիական տնտեսական միության անդամ պետությունների աշխատավորների կենսաթոշակային ապահովության մասին» համաձայնագիրը:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Առաջիկայում Համաձայնագիրը «Միջազգային պայմանագրերի մասին» ՀՀ օրենքով սահմանված կարգով կներկայացվի Ազգային ժողովի վավերացմանը:

**10. Ստորագրությունը, ամսաթիվը:**

 24.12.2019թ